

研
經
堂
稿

原书缺页

原书缺页

欄衫一第夢春明曾為迎鑒賦帝京命世文章國

家經術鄭康成手編一代河渠志胸有千秋鐵

經綸虛此願可憐藍輦誤平生

以立疾絕意仕進

對此遺篇感不勝十年夢寐結青燈春風久已歸兜率秋雨何

因訪茂陵天幸門人推李漢

謂梁莊林儀部

我慙豪氣讓陳登

同門沙縣家上

舍對揚獨力捐

賞刻成此集尚餘未刻詩千首且付東林聖善僧

舟過弋陽吊謝文節故居

麻衣東向望關河一代興亡感慨多瘴海有情方化石魯陽何

處更揮戈書追令伯陳情表詩入文山正氣歌借問故山無恙
否尚餘遺恨泣銅駝

閱邸報春漠以他邑獄事牽連赴部既而同事諸君皆遣
戍春漠獨蒙恩發往屯田書此寄慰

迢迢南北滯鱗鴻宦轍何因感轉蓬折獄可如于定國匡時止
擬陸宣公塞翁失馬緣難定楚國亡猿事畧同也似仙家逢小
劫神山還有引回風

不與羣公共戍邊謫居猶幸近屯田好修充國防羗議行續昌

黎赴闕篇

聖主憐才終見名書生自命豈徒然長沙不用

輕流涕賈誼如今正少年

族姪畏亭挽詞

病中猶作別離聲千水千山悔此行多事逼人惟富貴一生悞
汝是聰明避災惜少囊策訣以重陽後無福能消送酒情秋雨
夜闌孤寺冷柳車何日問歸程

汝家累世以貧名忍把韶光一擲輕華表有魂應化鶴錦袍無
分亦騎鯨零丁孰灑孤兒淚慟哭應崩寡婦城况復蕭蕭雙白

髮不堪腸斷暮猿鳴

酬張鶴舫

瓊英

廣文贈別元韵

都陽湖上泊歸

舟

綠酒紅鐙記昔游此去江淹應惜別年來宋玉

已悲秋

謂去歲悼亡

臨風愧作襜褕鶴逐浪聊為浩蕩鷗何日筍輿

花下過與君蠟屐共尋幽

為愛新詩子細看願從壇坫捧珠槃貧猶縞紵聯名士

謂蘭雪舍人

老竟虀鹽耐冷官滿縣桃花春謝去

君任天長令未一年引疾去

一爐芋火夜

燒殘閒吟首藉闌干句如此才應歎伏鸞

寄直斧兄

三年宦海歎升沈，抱甕還思學漢陰。
客路鶯花都過眼，故園風雨總關心。
還鄉喜共姜肱被，垂索慚無陸賈金。
為問女嬃今健否，不堪愁聽搗衣砧。
聞女兄病劇

洪忠宣祠

冷山風雪滯孤臣，馬角生還入海濱。
持節豈殊蘇屬國，招魂空弔屈靈均。
金縢一代和戎計，宮觀諸賢乞病身。
不死虜庭死讒慝，至今遺恨說亡秦。
任聖言賀湯侍御啓請言有宋之奸臣無若亡秦之巨蠹

歸途口占

虛負昂藏七尺身，依然鄧禹笑中人。
貧來漫享千金帚，病退應辭十束薪。
空向座間思結襪，且從水畔學垂綸。
還鄉一路秋如許，穩戴華陽小葛巾。

柔遠驛

中山遙隔海茫茫，一紙天書鎮大荒。
互市尚開徐福島，分封應比夜郎王。
隄官歸義經重譯，賓布來庭隸職方。
想見望仙樓閣上，綵雲飛渡到扶桑。

歸家即事

野興濃時禮法疎何妨小坐對林於門無雜客皆淡身是頑仙
意自如鴉嘴一鋤新種樹牛腰兩束舊藏書荔支錯過方紅味
且待寒冬食子魚

先正獻祠

批鱗正色仰孤忠元老精靈聚此中陣上整軍方破敵朝端失
策竟和我一生論薦推張浚半世知交有晦翁更喜數行朱墨
在德門依舊繼清風

二忠祠弔先忠肅

合沙嶺上泣孤臣，芳草無情碧血新。
死並文山垂大節，生疑武穆是前身。
一門忠義無雙士，千古科名有幾人。
只惜西湖荒塚在，不同遺廟祭江濱。

福州南臺香火甚盛

水南弔余澹心先生

一卷淋漓記板橋，酒邊有淚未曾消。
遺民心事悲千古，名士風情愛六朝。
草色已迷京口渡，江聲猶打石頭潮。
故山南望空回首，只恐詩魂不可招。

咏月餅

為愛中秋粃粒圓團樂一樣月輪天紅綾飽啖甜如蜜白練平
鋪軟似綿名士畫來都約略佳人拜處恰婢娟好憑夢得題糕
手添却新詩到酒筵

哭萬虞臣師

絳紗回首舊音塵尚憶龍門著作身三殿宣名黃紙詔十年乞
假紫薇臣閤中愛寫蘭亭帖醉裏頻澆竹葉春多少公卿爭倒
屣履蓋棺依舊一清貧

春風離索幾經年
天假匆匆一別緣
豈意高軒才過我
忽聞歸路竟登仙
平生知己西州恨
此後何人北海箋
猶幸長公今繼起
老泉文字有遺篇

天花庵訪明黃忠裕先生墨蹟并吊吳中丞讀書處

封章一紙諫南巡
是前朝骨鯁臣
歸路雲莊才訪舊
僧寮雨夜止留賓
地經三宿懷前度
夢向雙毫証夙因
只惜題詩人已去
碧紗籠處易生塵

興廢無端閱古今
名藍已減綠榕陰
河山慷慨勤王氣
風雨淒

涼報國心隔岸漁歌誰互答一龕佛火半幽沉
書窗零落傷陳迹回首黃壚感不禁

贈春溟、

少年有奇氣睥睨善自喜狼籍几案間讀書日盈咫
文如翻水成口似懸河駛拍案一叫絕四座客驚起
想其志得時六幕猶隘爾周王八駿馬追風羨驂駟
吾愛吾家駒一日三千里

逃荒歎、

旱魃虐太甚自春徂夏秋海濱斥鹵地寸寸皆甌窶
麥苗既槁

死我叔何曾收空倉飢雀噪何者為乾餼榆皮不可剥草根不
可搜田園既蕩盡妻子成贅疣驚身作婢妾沿門來求售聚首
豈不樂歲飢復何求與為溝中瘠寧作水上漚浮萍與斷梗隨
波長漂流猶免枕藉死化為枯蠲腰語罷淚哽咽我亦心懷憂
敬告民父母念此澤門謳官倉方買穀火急來荒陬

病瘧

寒暑互乘除陰陽竟相薄宋玉秋方悲趙羅瘧遂作隱几才欠
伸疾疴已聚落初疑臨淵投繼乃入壘烙一日一回來與彼似

有約候比伍胥潮信踐李布諾蟻鬥愁呻吟雞鳴聽腦膊每望
汗出時霍然一病卻賊退有餘氛臨時又作惡世無上池水何
者為扁鵲或用水師攻或用火箭鏖安得姚僧垣為我解三縛
吾聞瘡有鬼其說未為謔簿^雖湏點鬼無記或搜神托媿非漢丙
吉能調二氣錯又非梁殷均為民廣求瘼蠹茲造化兒欺我書
生弱庶幾石虔來使我病勿藥或畫桓康形怖汝以暴虐否則
送窮文昌黎例未格請誦少陵詩髑髏句愈瘡且開壯士顏勿
伏功臣閣拍手肉飛仙遙天駕一鶴

怪鷗行、

縣齋有高樹，恠鷗鳴其巔。切切復切切，聞者心淒然。翼日里保
至，長跼使君前。某村死人兩三處，請公駕速下鄉去。嗚呼天心
仁愛下膏澤，鷗兮乃為吾民厄。吾將去害馬，毋使岸獄積。請援
周官庭氏技，射以救日之弓。救月矢，或者方書日月星辰號。覆
巢更取碧族氏庶幾一念民心賴，後此永無流毒害。有客搖手
向我言，願君當更思其大。此鳥恐為魂魄致來時，或有訴冤意。
韓憑蛺蝶齊女蟬，杜宇啼聲精衛志。安知今日非先告，慎哉平